

板貞治

禪林類聚

十

禪林類聚卷第十

雞籠禪寺住持嗣祖比丘道泰云登禪寺首座比丘智境集

入境

心眼

肢體

真像

入境

臨濟玄禪師示眾云赤肉團上有一無位真人常在汝等諸人面門出入未證據者看看時有僧出問如何是無位真人師下繩牀扭住云道道僧無語師打一掌拓開云無位真人是甚麼乾屎橛

雪峰存云臨濟大似白拈賊 雪竇顯云夫善竊者神鬼莫知既被雪峰覷破臨濟不是好子復召大眾云雪竇今日換你諸人眼睛了也你若不信冬歸寮舍自摸



慈看 琅琊覺云臨濟可謂冰凌上度過一轉劍刃上
拾得全身

白雲端頌云春風浩浩烘天地是處山藏煙雪裏無位
真人不可尋落花又見隨流水 保寧勇云播土揚塵
沒處藏面明出入太狼當撒屎撒尿渾閑事浩浩誰分
臭與香 佛印元云下壁無瑕奪日輝秦王銜愛不輸
機可憐又入相如手一陣清風滿路歸 通照逢云無
位真人臨濟道勸君不用更尋討無道無功造者釋百
尺竿頭要親到 佛心才云聲色不干眼耳天地本自
同根巖下忽逢啼鳥翻身又到松明

臨濟云有一人論劫在途中不離家舍有一人離家舍不
在途中那箇合受人天供養

松源岳云眼觀東南意在西北

臨濟小參云我有时奪人不奪境有时奪境不奪人有時
人境兩俱奪有時人境俱不奪克符便出問如何是奪人
不奪境師云煦日發生鋪地錦嬰兒垂髮白如絲云如何
是奪境不奪人師云王令已行天下遍將軍塞外絕煙塵
云如何是人境兩俱奪師云并汾已信獨處一方云如何
是人境俱不奪師云王登寶殿野老謳歌

克符復頌云奪人不奪境綠自是諸訛擬欲求玄百思
量反責麼驪珠光燦爛蟾桂影波空觀面無差互還應
滯網羅奪境不奪人尋言何處真問禪禪是妄究理理
非親日照寒光澹山搖翠色新直饒玄會得恰似眼中
塵人境兩俱奪從來正令行不論佛與祖別說聖凡情

按犯吹毛劍還如值木盲進前求妙會特地打精靈人境俱不奪思量意不偏主賓言不異問答理俱全踢破澄潭月穿開碧落天不能明妙用淪溺在無緣

為山祐禪師因仰山問百千萬境一時來作麼生師云青不是黃長不是短諸法各住自位非干我事仰作禮大同濟禪師僧問如何是本來人師云共住不相識云恁麼則禮拜去也師云暗寫愁腸寄阿誰

保寧勇頌云共住同行世莫知幾人當面便逢伊縱饒紹續家門者半是貧寒乞養兒

子胡蹤禪師僧問如何是子胡境師云你眼裏著得沙麼云大小子胡境也不識師云老僧不諱此事僧便出去師云今日好箇公案老僧未得分文入手云賴遇某甲是僧

師云禍不單行或作紫桐

佛鑑勲云衲僧家尋常眼裏著得須彌山泊到子胡境

內沙也容不得良父云一字入公門九牛拔不出

子胡僧問如何得不被諸境惑去師云你試點惑底境出看云某甲不見師云你既不見惑境何來僧禮拜師云又見妄想去也

天柱慧禪師僧問如何是天柱境師云主簿山高難見日

玉鏡峰前易曉人

古德僧問萬境來侵時如何德云坐却著

破庵先云古德雖是鐵作者梁未免費費力或有問即龍薰境來侵時如何只向道見恠不恠其恠自壞

德山鑒禪師僧問路逢達道人不將語默對未審將甚麼

對師云只恁麼僧良久師云汝更問看僧擬再問師喝出
徑山杲云不好好一喝只是下得太遲

仰山寂禪師為山開示云汝須獨自迴光返照別人不知
汝解處汝試將實解獻老僧看師云若教某甲自看到這
裏無圓位亦無一物一解得獻和尚為云無圓位處元是
汝作解處未離心境在師云既無圓位何處有法把何物
作境為云適來是汝作與麼解是不師云是為云若恁麼
具足是心境法未脫我所心在元來有解豈道無解獻我
許汝信位顯入位隱在一本

趙州說禪師問投子大死底人却活時如何子云不許夜
行投明須到

雪竇顛頌云活中有眼還同死藥忌何須鑿作家古佛

尚言曾未到不知誰解撒塵沙 白雲端云死去活來

牙尚露投明須到已先行誰家別館池塘裏對鷺鷥

畫不成 長靈卓云虛空產出鐵牛兒頭角分明也大

竒踏破澄潭深處月夜闌牽向雪中歸 佛印元云大

死忘人同活人三千豪俠又隨塵李陵本是收番將却

作降番上將身 徑山杲云禾黍不陽艷競栽桃李春

翻令力耕者半作賣花人

趙州僧問路逢達道人不將語默對未審將甚麼對師云

人從陳州來不得許州信

大瀉行頌云滿滿彎弓射不著長長揮劍斫無痕堪笑

日月不到處箇中別是一乾坤

趙州僧問如何是出來底人師云諸佛菩薩

徑山杲云大小趙州元來膽小或有人問徑山如何是
出來底人向他道泥猪疥狗他苦道徑山舌頭得恁麼
自在我也知你是箇漆桶

投子同禪師僧問古人道法不孤起仗境方生如何是境
師敲禪牀僧云恁麼則觸目是也師云是甚麼
夾山會禪師僧問如何是夾山境師云猿抱子歸青嶂後
鳥啼花落碧巖前

法眼云我二十年來只作境話會却 浮山遠云直饒
不作境話會亦未會在何故犀因翫月通於角象被雷
驚花入牙 琅琊覺云且道如今怎生會良久云上士
遊山水中人坐竹林

投子青頰云月皎青松鶴夢長碧霄丹桂掛於羊巖高

壁仞千峰雪石筍生條半夜霜 寶峰祥云古鏡重磨

又一新 一回出匣一驚人石頭城下風雷吼老老禪翁

把要津 丹霞溘云蚌含明月珠生腹龍擁深雲雨灑

空莫向平田翻巨浪直須點點盡朝東 徑山杲云境

話會來猶未是却問而今作麼生清凉元本鼻頭直夾

山依舊兩眉橫

長沙岑禪師僧問上上人來時如何相見師云如死人手

云如何是上上人行履處師云如死人眼

佛鑑勸云長沙只有受壁之心且無割城之意蔣山即

不然上上人來如何接待水長船高如何是上上人行

履處泥多佛大且道與古人相去多少試檢點看

廣德禪師僧問如何是劍利底人師云維摩不離方丈室

文殊未到早先知又問如何是剎利底人師云垢膩汗衫
皂角洗又問如何是剎利底人師云古墓毒蛇頭戴角
天童覺云一句子把定要關一句子不存執則一句子
體用雙照若人會得許你剎利還端的麼枯龜妙在孫
贖手一灼爻分十字文

大茅禪師上堂云欲識諸佛心但向衆生心行中識取欲
識常住不凋底性但向萬物遷改處會取僧問如何是大
茅境師云不露鋒云爲甚麼不露鋒師云無當者僧無語
師云見不盡語不曉解不盡答不通良久云是見解麼若
道得一句老僧即甘若道不得有通方句在僧擬進語師
打一棒便歸方丈

佛鑑勳云大茅分明撒下明珠這僧却向水池內拾瓦

礫爲甚如此乃豎起拂子云只爲不識這箇是這裏識
得瓦礫便是明珠若也不識明珠返成瓦礫且道老僧
恁麼道是明珠是瓦礫試揀別看 大瀉智云大茅明
歷歷底露迥迥底圓陀陀底赤灑灑底一時點破了也
還有箇人直出直入無罣礙底漢麼這僧拋却甜桃
樹尋山摘醋梨可惜空過一生山僧今日也是賊去張
弓還知麼黃金自有黃金價終不和沙賣與人
疎山仁禪師僧問百巾千重是何人境界師云左提芒繩
縛鬼子

曹山本寂禪師僧問如何是常在底人師云恰遇曹山暫
出云如何是常不在底人師云難得又僧問常在生死海
中沉沒者是甚麼人師云第二月云還求出離也無師云

也求出離只是無路云出離甚麼人接得伊師云擔鐵枷者

九峰滿禪師僧問對境心不動時如何師云汝無大人力云如何是大力師云對境心不動云適來為甚麼道汝無大人力師云在舍只言為客易臨淵方覺取魚難

佛鑑勸云紅粉易粧端正女無錢難作好兒郎 塗毒

策云以的破的以機奪機青出於藍冰生於水家常茶飯只如九峰道在舍只言為客易臨淵方覺取魚難又作麼生不經一事不長一智

僊天毗禪師僧問十二時中常在底人還消得人天供養也無師云消不得云為甚麼消不得師云為伊常在云只如不常在底人還消得麼師云驢年

韶山普禪師僧問如何是韶山境師云古今猿鳥叫翠色薄煙籠云如何是境中人師云退後者

圓悟勤云如人善射箭箭中的非此境不定稱此人非此人不足居此境所謂古之今之無間無斷還會麼韶

山猶在 佛燈珣云境勝人清韶山饒美多少人作境會了便休忽有人問如何是慧日境云一條流水數朵青山如何是境中人云見面即易知心即難如何得知心去云待你不作境會見也不難 塗毒策云若作境會當門剝落不作境會毒藥並行還委悉麼西風一陣

來落葉兩三片

保壽召禪師僧問萬境來侵時如何師云莫管他僧禮拜師云莫動著動著即打折你驢腰

琅琊覺云若無遣蛇手誤殺世間人 保寧真公僧二
和尚合喫多少

保福展禪師問長慶云盤山道光境俱忘復是何物洞山
道光境未忘復是何物據二老總未得勦絕作麼生道得
勦絕去慶良久師云情知你向鬼窟裏作活計慶云汝作
麼生師云兩手扶犁水過膝

雪竇顯云俱忘未忘總由我保福因甚麼道未得勦絕
灼然能有幾箇諸人又作麼生道免得長慶在鬼窟裏
良久云柳絮隨風自西自東 大溈秀云保福拈提頗
有宗風及乎問著又却拖泥帶水光境何物且致俱忘
未忘甚處得這消息 天童覺云俱忘未忘奪人奪境
為甚麼保福不肯長慶太平本是將軍建不許將軍見

太平

齋上座到德山山纔見便下繩牀作拙坐具勢座云這箇
且致忽遇心境一如底人來向伊道箇甚麼即得不被諸
方檢責山云猶較昔日三步在別作箇主人公來座便唱
山不語座云塞却這老野狐咽喉

溈山云齋公雖得便宜爭奈掩耳偷鈴 佛鑑勸云齋
公一喝賓主歷然德山無言語遍天下溈山老子雲上
加霜子細檢點將來總不可放過乃擲下拄杖下座
大溈智云齋公好險正是弄劍刃上事雖然如是飛騎
將軍入虜庭再得完全能幾箇作家作家德山有剛有
柔收來放去人平不語水平不流溈山老明眼宗師不
合入荒草與伊一狀領過

雲門偃禪師僧問如何是大修行底人師云一槓在手
大中德頌云手中一槓絕痕殺道聽途傳轉見賒作者
至今拈不起依前獨自認歸家

雲門問卧龍明已底人還見有已麼龍云不見有已始得
明已師又問長連牀上學得底是第幾機龍云第二機云
作麼生是第一機龍云緊峭草鞋

徑山杲云騎賊馬趕賊隊借婆被子拜婆年

定上座路次逢巖頭雪峰欽山三人巖乃問甚處來師云
臨濟巖云和尚萬福師云順世也巖云某甲三人特地去
禮見和尚已歸家某甲等薄福不見和尚未審有何言句
請上座舉一兩則師遂舉臨濟一日示衆云赤肉團上有
一無位真人話巖頭不覺吐舌欽山云何不道非無位真

人被師擒住云無位真人與非無位真人相去多少速道
速道巖頭雪峰近前禮拜云這新戒觸忤上座望慈悲且
放師云若不是這兩箇老漢築殺這屎牀子

同安察禪師僧問如何是向去底人師云寒蟬抱枯木泣
盡不回頭又問如何是却來底人師云火裏蘆花透逢春
恰似秋又問如何是不來不去底人師云石羊逢石虎相
逢早晚休

黃龍新云此三則語一則語葉落歸根一則語春光似

錦一則語大包天地細入無間且道那則是葉落歸根

那則是春光似錦那則是大包天地細入無間若也如

此辨得非唯親見同安亦乃知黃龍落處豈或未然清

風月下守株人涼克漸遙春草綠 松源岳云入理深

談隨機應物還他同安老人若據衲僧門下未免漏逗
何故只解順風張帆不能逆風把舵或有人問治父如
何是向去底人對云眼睛突出如何是却來底人對云
天闊地闊如何是不去不來底人對云明月照幽谷寒
澗響夜砧此語無你處嚙處直須是悟始得

歸宗禪師僧問如何是塵中子師云灰頭土面

同安代云不拂拭

鳳翔石柱禪師遊方時到洞山柳精值山示衆云有四種
人一人說過佛祖一步行不得一人行過佛祖一句說不
得一人說得行得一人說不得行不得那箇是其人師出
衆云一人說過佛祖一步行不得祇是無舌不許行一人
行過佛祖一句說不得祇是無足不許說一人說得行得

祇是函蓋相稱一人說不得行不得如密命來活此是石
女兒披枷帶鎖山云關黎分上又作癩生師云該通分上
卓卓卓彰山云祇如海上明公秀又作癩生師云幻人相
逢撫掌呵呵

丹霞淳頌云水底泥牛耕白月雲中木馬驟清風胡僧
懶捧西乾鉢半夜乘舟過海東

靈隱顯禪師僧問如何是諸佛向上人師云白雲覆青山
云莫便是和尚爲人處也無師云淥沼徒長蕩

投子青頌云雪嶠層層翠鎖深風生寒岫結重雲云來
丹鳳冲霄漢曉樵人逐鴈羣

鏡清住禪師僧問辨得親疎底爲甚麼却被親疎不肯師
云不平按劍

翠巖代云當得也無 首山念代云莫守閑又云六有
人不解恁麼問又云不可辨親疎

洛浦安禪師僧問撥亂乾坤底人來師還接不師豎起拂
子僧云恁麼則今日得遇明君也師云依稀似曲鏡堪聽
又被風吹別調中

圓悟勤云驗人端的處下口便知音 佛燈珣云大小

洛浦元來小膽纔問撥亂乾坤便乃先鋒混戰殿後併
吞慧日即不然有問撥亂乾坤底人來師還接不豎起
拂子僧云恁麼則今日得遇明君也致却拂子云直饒
良壽曠策也須高豎降旗

翠巖參禪師僧問爐上香煙郁郁庭前花木芬芬去此二
途如何是翠巖境師云喬松直透雲中翠當檻凌霄夾竹

寒云如何是境中人師云只見白雲來遶座不知世上幾
千年云翠巖人境蒙師指導人禮拜謝師恩師云你得箇
甚麼

佛鑑勤云這僧移花兼蝶至買不得雲饒翠巖解使不
由家富貴風流何在著衣多

古德云汝千百人中若有一人大肯去山僧作驢駝物供
養你有甚罪過

東山空云古人不妨好心要且揀僧布施擇佛燒香我
觀此會千百人無一人不是大肯去底所以在秀峰受
了府命即時披這毛衣馳所供養徑入山來入山則不
無且道馳底是甚麼物又作麼生供養還有見得底麼
良久云日日香花夜夜燈

龍濟修山主僧問如何是大敗壞底人師云劫壞不曾遷
云此人還知有佛法也無師云若知有佛法渾成顛倒云
如何得不顛倒師云直須知有佛法云如何是佛法師云
大敗壞

北院通禪師僧問如何是大富貴底人師云如輪王寶藏
云如何是赤貧窮底人師云如酒店腰帶

清化付禪師僧問路逢達道人不將語默對未審將其麼
對師云眼裏瞳人吹叫子

鳳樓察禪師僧問如何是鳳樓境師云千峰連嶽秀萬嶂
不知春云如何是境中人師云孤巖倚石坐不下白雲心
石門獻禪師僧問如何是石門境師云遍界黃金無異色
往來遊子罷追尋云如何是境中人師云無相不居凡聖

位經行鳥道沒蹤由

保福殊禪師僧問如何是無心道人師云林下高眠春秋
不記云若然者更無蹤跡到人間師云蓬茅多長兩松竹
不凋霜

石門徹禪師僧問路逢達道人將語默對將其麼對師
云斫額無觀日沉吟理趣圓云如何是沉吟理趣圓師云
被闇黎致此一問直得霏霖汗流

風穴沼禪師僧問不與萬法為侶者是甚麼人師云斫額
望扶桑乘槎人不顧又僧問如何是真道人師云竹竿頭
上禮西方

雲巖眺禪師僧問如何是恁麼去底人師云登玄無異路
終不暫迴頭云如何是恁麼來底人師云金鳳啼花離玉

洞木馬懷胎半夜歸云如何是不來不去底人師云白雲橫谷口樵子夜忘家

洞山初禪師僧問見境不動時如何師云眉長三尺二云如何是見境不動底事師云鼻孔占却三畝地

首山念禪師僧問如何是首山境師云千花迥秀一葉長芳云如何是境中人師云好事不如無

法華舉禪師問福嚴慧照如何是福嚴境照云漱泉秋鶴至蟬樹夜猿過照却問師作麼生是南嶽境師云風休林

自直雲靜月彌新照云作麼生是境中人師云草色青隨步藍光碧照衣

大愚芝禪師僧問如何是洪州境師云藤王閣下千峰秀孺子亭前薄霧生云如何是境中人師云出入敲金鐙朱

衣對錦屏云如何是翠巖境師云洪井滔滔急山高勢近人云如何是境中人師云朝去暮歸

長生然禪師因雪峰問光境俱忘復是何物師云放某甲過有箇商量峰云我放你過你作麼生商量師云某甲亦

放和尚過峰深肯之瑞巖進禪師僧問如何是瑞巖境師云重重疊嶂南來遠

北向皇都咫尺間云如何是境中人師云萬里白雲朝瑞嶽微微細雨灑簾前云未審如何親近此人云將謂闍黎

親入室元來猶隔萬重關六通球禪師僧問如何是六通境師云滿目江山一任看

云如何是境中人師云古今自來去云離此二途如何是向上事師云雲水千徒與萬徒

安國瑄禪師僧問常居正位底人還消得人天供養不師云消不得云為甚麼消不得師云是甚麼心行云甚麼人消得師云著衣喫飯底消得

鹿明真禪師僧問如何是道人師云有口似鼻孔云勿過客來時將何祇待師云柴門草戶謝汝經過

永安悟禪師僧問如何是解作客底人師云寶御珍林猶尚棄誰能歷劫傍他門

東汀禪師僧問如何是却去底人師云石女紡麻纏云如何是却來底人師云翁車關棧良計斷

廣德延禪師僧問如何是常在底人師云臘月死蛇當大路觸著傷人不奈何

奉先同禪師僧問如何是常在底人師云更問阿誰

藥山是禪師因澧州牧於衙內白蓮亭上會諸尊宿拈花供養請師說法時有俗官問如何是瀾浦境師云此是白蓮亭云如何是境中人師云牧牛童子橫吹笛野老溪邊和不齊

杉洋庵主僧問境界當前如何支遣師唱云這妖怪云今日被迷一上不同小小師云賴是深山無人見云知即得師呵呵大笑

青峰誠禪師僧問三世不生是何境界師云白雲連雪嶽明月混魚鈎云未審向上更有事也無師云有云如何是向上事師云靈光燦破琉璃色大地明來絕點痕

廣慧真禪師僧問如何是廣慧境師云小寺前頭資慶後雪竇顯禪師僧問如何是雪竇境師云天無四壁云如何

是境中人師云月在中峰云與麼則從苗辨地因語識人師云是僧禮拜師云酌海持螯一場困苦

地藏恩禪師僧問善惡不修底人落在甚麼處師云一步一彈指云謝師指示師云回首念觀音

天衣懷禪師云無手人能行拳無舌人能解語勿若無手人打無舌人教無舌人道箇甚麼

白雲端云未舉步時未上一步踏著未開口時最初一句道著 雪堂行云二老宿向諸人面皮上寫却一本

曆日了也若更眼目定動觸體前鬼神無數

古德僧問無為無事人為甚麼却有金鎖難

五雲代云只為無為無事

報慈欽禪師僧問如何是諸佛境界師云雨來雲霧暗晴乾

日月明

龍峻山禪師僧問如何是不知善惡底人師云千聖近不得云此人還知有向上事也無師云不知云為甚麼不知

師云不識善惡說甚麼向上事云如何師云不見道杆裕

海湖禪師僧問和尚院內人何太少定本院內人何太多

師云草深多野鹿巖高獬豸希

傾心一禪師僧問如何是不朝天子不羨王侯底人師云

每日三條線長年一衲衣云未審此人還紹續宗風也無

師云講來頭上語雲向眼前飛

羅浮如禪師僧問如何是大徹底人師云不行千聖路迴

光燭萬機云即今事如何師云紅輪當宇宙剛有不明人

浮山遠禪師僧問路逢達道人將語默對未審將甚麼

對師云王樹夜凋零不待狂風掃

達觀穎禪師僧問如何是向去底人師云從歸青嶂裏不

出白雲來云如何是却來底人師云自從遊紫陌誰肯隱

青山

黃龍南禪師僧問無為無事人猶是金鎖難未審有甚麼

過師云一字入公門九牛拔不出云學人未曉乞師方便

師云大庾嶺頭笑却成哭

林溪徹禪師僧問無為無事人還盡善不盡善師云溪山

三十年前也恁麼來云如今又作麼生師云過方即方遇

圓即圓

天衣懷禪師僧問天不能蓋地不能載未審是甚麼人師

云掘地深埋云此人還受安排也無師云土上更加泥

南院顯禪師問風穴汝道四料簡語料簡何法穴云九語

不滯九情即墮聖解學者大病先聖哀之為施方便如楔

出換師云如何是奪人不奪境云新出紅爐金彈子蓮破

闍黎鐵面門師云如何是奪境不奪人云劫草乍分頭腦

裂亂雲初綻影猶存師云如何是人境兩俱奪云躡足進

前須急急促鞭當鞅莫遲遲師云如何是人境俱不奪云

常憶江南三月裏鷓鴣啼處百花香

○僧問如何是奪人不奪境

首山念禪師云人前把出遠送千峰 法華墨禪師云

春生夏長秋收冬藏 道吾真禪師云庵中閑打坐白

雲起峰頂 葉縣首禪師云臭肉來蠅 承天高禪

師云家鄉有路無人到 石門聰禪師云山河大地

等覺明禪師云風清月白 達觀禪師云家裏三無

回日信路邊空有望鄉牌 九僊清禪師云惺惺寂寂

慈明圓禪師云神會曾磨普寂碑 黃龍新禪師云

死亡有活 汝壽總禪師云野花開滿路徧地是清香

圓悟勤禪師云山僧有眼不曾見 南堂靜禪師云

活捉魔王鼻孔穿 南峰辯禪師云霸王到烏江

○進云如何是奪境不奪人

首山云打了不曾噴冤家難解免 法華云一朝權在

手看取令行時 道吾云閃爍紅霞散女童引路歸

葉縣云沒鎗驢子夜三更 承天云暗傳天子勅陪行

一百程 石門云番人失德帳 等覺云灰頭土面

達觀云滄海盡教枯到底青山直得張為塵 九僊

終

云寂寂惺惺 慈明云須信壺中別有天 黃龍云

活中有死 汝壽云茫茫宇宙人無數幾箇男兒是丈

夫 圓悟云闍黎問得自然親 南堂云中心樹子

屬吾言 南峰云築壇拜將

○進云如何是人境兩俱奪

首山云萬人作一塚時人盡帶愁 法華云寰中天子

貴塞人將軍雄 道吾云剛骨盡隨紅影沒若箇總丞

白雲深 葉縣云光漆無人識 承天云無頭蝦蟇

脚指天 石門云有何佛祖 等覺云水泄不通

達觀云天地尚空秦日月山河不見漢君臣 九僊云

惺惺惺惺 慈明云寰中天子勅塞外將軍令 黃

龍云死中恒死 汝壽云雪覆蘆花舟橫斷岸 圓

悟云云 南堂云一釣三山連六鼇 南峰二五萬里

山河護太平

○達云如何是人境俱不奪

首山云問處分明答處親 法華云一等乾坤日月俱

明 道吾云父早逢甘雨他鄉遇舊知 葉縣云須

彌頂上雨霖霖 承天云晋祠南畔長柳巷 石門

云碧峇甚分明 等覺云海晏河清 達觀云鸞鶴

千林花滿地客遊三月草侵天 九僊云寂寂寂寂

慈明云明月清風任往還 黃龍云活中恒活 資

壽云處處綠楊堪繫馬家家門首透長安 圓悟云放

南堂云白日騎牛穿市過 南峰云龍吟裏起虎嘯

風生

白鹿端禪師僧問如何是大善知識師云持刀按劍云為甚麼如此師云禮防君子

蔣山元禪師僧問如何是大善知識師云屠牛剥羊云為甚麼如此師云業在其中

香積我禪師因僧問如何是坐禪僧師云萬事總無能僧云如何是入定僧師云四海本澄澄僧云如何是行道僧

師云六合勢騰騰僧云如何是應供僧師答云三輪等性空

夫妻二人相打到官官問你有誰證見各云有親兒證見兒到官證父不得證母不得

雪堂行頌云生死自憐同室穴因何中路隔關山一朝忽得親兒證趨踏方知蓋覆難

明招一人半人觀門

鵝湖未了底人觀門

性空井中人觀門

洛浦供養無心道人觀門

玄沙三種病人觀門

龍牙無手人行拳觀門

龐居士問不與萬法為侶是甚麼人觀門

作業闍提具因果人觀門

樂山光境俱忘觀門

趙州僧問莫將境示人觀門

心眼

善現問舍利弗云以何為佛眼舍利弗答云以性空為佛眼善現嘆云善哉善哉從上諸佛皆以性空為佛眼從佛口生從法化生

琅琊覺云望天不見天觀地不見地

五祖提多迦尊者嘗為長者名曰香眾初求出家翹多尊者乃問汝為身出家為心出家祖云我自出家非為身心而求利益翹多云不為身心復誰出家祖云夫出家者無我我故即心不生滅心不生滅即心常道故諸佛亦常心無形相其體亦爾翹多云汝當大悟心自明朗於佛法中度恒沙眾

芭蕉徹云譬如琴瑟笙篴雖有妙音若無妙指終不能

發

十祖脇尊者因十一祖作童子時來祖乃問爾從何來云我心非往祖云爾住何所云我心非止祖云子不定耶云諸佛亦然祖云爾非諸佛云諸佛亦非

翠巖芝云祖師與童子一問一答總欠會在如今作麼生會

南堂靜頌云諸佛亦非國泰家肥出窟獅子報曉金鷄三祖璨大師云一心不生萬法無咎

雲門云祇這裏悟了乃拈起拄杖云乾坤大地有其麼過

四祖信大師問三祖云如何是古佛心祖云汝今是其麼心師云我今無心祖云汝既無心諸佛豈有耶師於是頓

息其疑

四祖問牛頭融禪師在此作甚麼頭云觀心祖云觀是何人心是何物頭無對便起作禮

六祖能大師因法海問即心即佛願垂指喻祖云前念不生即心後念不滅即佛成一切相即心離一切相即佛吾若具說窮劫不盡

馬祖一禪師示衆云汝等諸人各信自心是佛此心即是佛心達磨自南天竺國來至中華傳上乘一心之法令汝等開悟僧問和尚爲甚麼說即心即佛師云爲止小兒啼云啼止後如何師云非心非佛云除此後如何指示師云向伊道不是物

翠巖真頌云百萬雄兵出將軍獵渭城不關弓矢力斜

漢月初生 圓悟勤云無鬚鎖子八面玲瓏不撥自轉
南北西東海神知貴不知價留與人間光照夜 佛國
白云心心即佛佛心心佛佛心心即佛心心佛悟來無
一物將軍止渴望梅林 佛鑑勸云美如西子離金閣
嬌似楊妃倚玉樓猶把琵琶半遮面不令人見轉風流
長靈卓云風勁葉頻落山高日易沉坐中人不見惚外
白雲深 黃龍震云敲之即響聽則無聲嚴冬汗濕酷
熱冰清試問道途來往客長安此去幾多程

槃山積禪師示衆云三界無法何處求心

雪竇顯頌云三界無法何處求心白雲爲蓋流水作琴
一曲兩曲無人會兩過夜塘秋水深 佛性泰云三界
無法何處求心山容雨過松韻風吟橫眠倒卧無餘事

一任莓苔滿地侵 佛鑑勸云青青入座當軒竹黯黯

遶門對面山更有一般堪羨處夜深流水響潺潺

槃山云若言即心即佛今時未入玄微若言非心非佛亦
是指蹤極則

天童覺云有錢不解使解使却無錢且道作麼生得十
成去娶他年少婦須是白頭兒

麻谷徹禪師問臨濟大悲千手眼那箇是正眼濟云大悲
千手眼作麼生是正眼速道速道師拽濟下禪牀却坐濟
遂起云不審師擬議濟便唱拽師下禪牀却坐師便出去
達觀穎云諸德此二尊宿如此且道怎生今時人總道
照用照甚麼枕一切人只解自騎馬去捉賊自持刀去
殺賊此二人便能奪賊馬捉賊奪賊刀殺賊雖然如是

臨濟雖是得便宜却是落便宜

保寧勇頌云多年塞上只聞名今日陣前親見面疋馬
單鏘戰數場好是見機開一箭 海印信云大悲正眼
問來端互換之機子細看會得不得亦顛預也似黏魚
上竹竿 覺海元云正眼英雄逢正眼勝劣短長徒用
揀那吒現出本來身且非父母能生產 普融平云相
逢狹路轉身難一陣交鋒瞬息間旗號縱橫渾莫辨試
問何人得勝還

南泉願禪師因陸且大夫問大悲菩薩用許多手眼作甚
麼師云如國家用大夫作甚麼辨
雪竇顯別云不及大夫所問 保寧勇別云也未為分
外

丹霞然禪師問龐居士昨日相見何似今日士云如法舉
昨日事來作箇宗眼師云祇如宗眼還著得龐公麼士云
我在你眼裏師云某甲眼窄何處安身士云是眼何窄是
身何安師休去士云更道取一句便得此話圓師亦不對
士云就中這一句無人道得

佛鑑勸云是眼何窄是身何安昨日今日事無兩般准
南兩浙秋熟春寒恁麼會得也太無端三十年後莫受
人謾 大滌智云隔宿不問道相見不徒然眼界安身
易身安眼界難當時丹霞見居士道是眼何窄是身何
安祇向居士道老漢話墮也不知 塗毒策云窄處非
眼安處非身丹霞龐老二俱不親山僧當時若作丹霞
待他道是身何安便與拈下幞頭且要見渠本來面目

一
二
三
祇如本來面目作麼生見昨日今朝事不同一番寒雨
一番風太平基業分明在溪澗河源總向東

大顛通禪師因石頭問那箇是汝心師云言語者是頭便
唱出經旬日間師復問前者既不是除此外何者是心頭
云除却揚眉瞬目將心來師云無心可得將來頭云元來
有心何言無心無心盡同謗師於言下有省

龐蘊居士問馬祖不昧本來人請師高著眼祖直下覲士
進云一種沒絃琴唯師彈得妙祖直上覲士乃作禮祖歸
方丈士隨後入云弄巧成拙

雲峰悅云且道賓家弄巧成拙主家弄巧成拙還有人
揀得出麼若揀得出三十棒一棒也較不得若揀不出
明年更有新條在惱亂春風卒未休 琅琊覺云一夜

作竊不覺天曉

保寧勇頌云浩浩擎山頂嶽來撐天拄地勢崔嵬從教
弄巧翻成拙撒手前行更不回 佛眼遠云與子偕行
今日路與君共看本來人同名同姓同形段無死無生
無色塵 佛鑑勸云馬師素有拏雲手龐老猶伸擗電
機上苑鸞鷲相對語朱樓鸞鷲一雙飛

章敬惲禪師僧問祖師傳心地法門為是真如心妄想心
非真非妄心為是三乘教外別立心師云汝見目前虛空
麼云信知常在目前人自不見師云汝莫認影像云和尚
作麼生師以手撥空三下僧云作麼生即是師云汝向後
會去在

百靈禪師因龐居士問是箇眼目還免得人口麼師云作

麼生免士云情知免不得師云棒不打無事人士便轉身云打打師始拈棒士把住云與我兇看師無語

佛鑑勲云這二老恰似下某相似不如傍觀者諸人只知百靈無語殊不知龐公失却一隻眼還知麼自出洞來無敵手得饒人處且饒人

雲巖晨禪師問道吾大悲菩薩用許多手眼作甚麼吾云如人夜間背手摸梳子相似師云我會也吾云汝作麼生會師云徧身是手眼吾云道也太煞道只道得八成師云某甲只恁麼師兄作麼生吾云通身是手眼

雲實顯頌云徧身是通身是拈來猶較十萬里展翅前騰六合雲搏風鼓蕩四溟水是何埃垵兮忽生那箇毫釐兮未止君不見網珠垂範影重重棒頭手眼從何起

唱 佛心才云演若怖面鏡裏首那吒還復舊時身不知千眼從何起便道全軀在刹塵 大洪預云示應兄

呼豈偶然嬉遊時在舊山前通身手眼如何會拾得寒山笑揭天 天寧璉云通身是手眼徧界不曾藏背摸牀頭枕翻身嫌夜長

道吾看禪師因作鞋次洞山問就師乞眼睛師云汝底與阿誰去也山云良介無師云有汝向甚麼處著山無語師云乞眼睛底是眼不山云非眼師乃咄之

瀉山祐禪師問仰山妙淨明心汝作麼生會仰云山河大地日月星辰師云汝祇得其事仰云和尚適來問甚麼師云妙淨明心仰云莫作事得麼師云如是如是

佛鑑勲云瀉山如將大姪赫小兒仰山似小兒見大姪

雖然師資互用理事交馳其奈機智偏枯語言滲漏明
眼漢點檢得出方知道禹力不到處河聲流向西 大
為智云為山垂問仰山領旨檢點將來不是不是相似
般若有甚好處要會麼良久云太平本是將軍建不許
將軍見太平 塗毒策云續斷弦者鸞膠斷豈望者郢
手千人萬人轉不得處轉得是衲僧三者既備千木隨
身逢場作戲仰山有之諸方又道機智偏枯言語滲漏
又作麼生莫將閑學解埋沒祖師心

趙州論禪師問僧甚處來云雪峰來師云雪峰近日有何
言句僧云雪峰示眾云盡大地是沙門一隻眼汝等諸人
向甚處荷師云上座若回雪峰我寄箇鐵子去與他
保福展云南有雪峰北有趙州 琅琊覺云眾中有云

寄鐵子去埋却趙州若道寄鉢孟去便道盛粥飯用狂
解益見作麼商量不是僧繇手謾說學丹青 雪竇顯
云這僧既不從雪峰來可惜趙州鐵子

正覺逸頌云南望雪峰猶萬里北遊未踏趙州關賺他
一隻破鐵子二百餘年去不還 佛慧泉云石橋一路
滑如苔聞嶺風高凍不開相見盡言遊歷去幾人曾到
雪峰來 鼓山珪云大地是眼何處局天下不奈雪老
何趙州寄箇鐵子去方得此話圓堵堵 徑山杲云途
路波吒數十州傳言送語當風流不知脚下泥生剗踏
著錐人脚指頭

趙州僧問如何是不睡底眼師云九眼肉眼又云錐未得
天眼肉眼力如是云如何是睡底眼師云佛眼法眼是睡

底眼

趙州云把定乾坤眼綿綿不漏絲毫我要你會你又作麼生會

天童覺云還端的也未直饒你這裏會得七穿八穴我也知你出趙州纒續不得

長沙岑禪師僧問如何是沙門眼師云長長出不得又云成佛成祖出不得六道輪迴出不得僧云未審出箇甚麼不得師云晝見日夜見星云不會師云妙高山色青又青黃龍新云這僧將蚊子足擬窮滄溟底用蜘蛛絲欲繫妙高山六道輪迴出不得即且致成佛成祖爲甚麼出不得言山只解磨今古流水何曾洗是非

長沙僧問如何是平常心師云要眠即眠要坐即坐云是

人不會師云熱即取涼寒即向火

龍潭信禪師問天皇從上相承底事如何皇云不是明汝來處不得師云這箇眼目幾人具得皇云淺草易爲長蘆東寺會禪師因相國崔公問云師以何得師云見性得師方病眼公譏云旣云見性其奈眼何師云見性非眼眼病何害公稽首謝之

法眼別云是相公眼

興平禪師因洞山問如何是古佛心師云即汝心是山云雖然如此猶是某甲疑處師云若恁麼即問取木人去

仰山寂禪師僧問古人道見色便見心禪林是色請和尚離色指學人心師云那箇是禪林你指出來僧無語

玄覺云忽然被伊却指禪林作麼生對伊好有僧云却

請知尚道玄覺代拈掌三下

投子同禪師僧問無目底人如何進步師云徧什方云無目為甚麼徧什方師云著得目也無

睦州蹤禪師僧問如何是教眼師云十方國土中唯有一乘法云此是經文師云驢年會麼云如何是教眼師云量才補職問如何是衲僧眼師云朝看東南暮看西北

雪峰存禪師一日參次有僧珍重便出師云總似這箇師僧省多少心力玄沙云和尚與麼接人瞎却闍中一城人眼去師云爾又作麼生沙云便好與二十棒師云已後無人柰子何

雪峰僧問我眼本正因師故邪時如何師云迷逢達磨云我眼何在師云不從師得僧問如何是學人本分眼師云

石上栽花師復問僧會麼云不會師云珍重僧問如何是學人眼師云為國惜才為法惜人

小隱峰禪師僧問神光照破乾坤眼內外中間事若何師云閑黎不妨好眼云恁麼難見亦被我師指出師云低聲低聲這裏巡院不遇僧便喝師掩却口僧云老和尚被我一喝直得目眩口佞師便喝僧掩耳出去師云這好人細作

佛鑑勸云這僧不妨好眼隱峰更是好眼乾坤眼撞著驗人眼參學眼擇法眼眼眼相照綿綿不漏蚌蟬相持之落漁人之手這裏著得一隻眼將山許你具眼要知麼龍吞千載月腦有夜明珠僧無十年學不獲聖法財靈瑞禪師僧問如何是本來心師云坐却昆盧頂出沒六

盡中

九峰滿禪師僧問如何是把定乾坤眼師云把定在裏許云乾坤眼何在師云正是乾坤眼云還照燭也無師云不借三光勢云既不借三光勢憑何照燭喚作乾坤眼師云若不恁麼能體前見鬼無數傳燈作九峯要

圓悟勤云須知恁麼中有不恁麼其奈用時却恁麼不恁麼中有恁麼其奈用時却不恁麼方始得離見絕情超宗越格若也善能參詳許你頓出窠窟

九峰慶禪師僧問承古有言真心安心如何師云是立真顯妄云如何是真心師云不雜食云如何是安心師云參緣起倒是云離此一途如何是學人大體師云本體不離云為甚麼不離師云不敬功德天誑嫌黑暗文

善一恁禪師信問眉與目還相識也無師云不相識云為甚麼不相識師云為向在一處云恁麼即不分也師云眉且不是目云如何是目師云端的云云如何是眉師云曹山却疑云和尚為甚麼却疑師云若不疑即端的云也白水仁禪師示眾云眼裏著沙不得且裏著水不得時有僧問如何是眼裏著沙不得師云應真無二云如何是且裏著水不得師云白淨無垢

佛鑑慧云遠觀山有色近聽水無聲 大為智云曙色未分人盡望及乎天曉也尋常知麼靈龜負尾爭奈淤泥何 天皇覺云白水老子可謂大而無外小而無內且凡千變萬化紙筒赤手空身不受一痛一塵直是滿眼滿耳還見麼立足無閑地知心有幾人 塗三筆

云直鏡應真無比白淨無垢猶欠悟在何謂大抵還他
肌骨好不塗紅粉也風流

雲居膺禪師僧問目瞳無影時如何

保寧夢代云觸處露全身

禪月大師云禪客相逢只彈指此心能有幾人知大隋和
尚舉問師如何是此心師無對

歸宗系代云能有幾人知

九峰禪師入江西城人問入鄆教化以何為眼師云日月
不曾亂

法眼別云待有眼

談空禪師僧問如何是古佛心師云有耳未曾聞僧便唱
師云瞎

保壽第二世禪師開堂日三聖和尚乃推出一僧師便打
聖云恁麼為人瞎却鎮州一城人眼去在師便歸方丈

雲竇顯云保壽三聖雖發明臨濟正法眼藏要且只解

無佛處稱尊當持這僧若是箇漢纔被推出便放倒禪
牀直饒保壽全機也較二千里 雲峰悅云臨濟一宗

掃地而盡因甚麼却到這裏葛拄杖云甚麼處去也
為山秀云保壽為將因何三聖却作中軍可惜鎮州一

城人眼至今未辨東西然清議之排必有竊吹之處當
時連三聖赴山必然救得鎮州一城人眼 五祖戒別

保壽云千鈞之弩不為鼯鼠而發機 琅琊覺云不是
三聖豈到今日然雖如是錯會者多 大溈誌云保壽

大溈與中天子勅正行三聖塞父將軍令止塞這有不

惜性命者處出來與老僧相見要圖不取之事良之云
橫按鎮劍全止令太平寰宇斬癩頑

黃龍南嶺云寶華王座始登時三聖推僧次眾疑棒下
分明無老少天下盲人幾箇知 佛國白二臨濟家風

兩獸翻推信極暗見宗猷若非保壽全發眼更有誰明
此註頭 保寧勇云黑白未分著著奇任他兩漢畔頭

窺不知除却神僊手更有何人敵得伊 徑山杲云提
起須彌第一種電光石火太遲遲象王行處狐蹤絕獅

子咆哮百獸危
長慶發禪師信問如何是正法眼師云有願不撒沙

保福長云不可更撒也 雪竇顯云云宗師決定以本
分相見不敢撒沙且那箇是請人正眼不受人讚嘆

出來對眾道看共相知委若道不得尋峰一一與以點
過開眼也著合眼也著

普龍心云更道箇瞎且圖兩得相見
洞山聰頌云普之一字豈尋常擡手須看掣電光靈議

思量生會解堪嗟剜肉作身瘡 大愚之云說佛說法
屢語奇笑上加尖也太愚明眼衲僧傍覩見一條拄杖

兩人弄 白雲端云頂上有來真箇瞎輝天耀地不同
時六悲王裏休擊出獨自夜行誰得知 正覺說云普

之一字天然別著眼看時如電掣空宙茫茫無處尋拜
相踏者便如鐵 圓通僊云應機無出老韶陽法眼咨

詢音字當機會若非獅子子一場閑夢過瀟湘

雲門云袖僧須識古人眼作麼生是古人眼自代云殿臺
跳上天

鏡清住禪師問人人具眼逢訪道人道即是不道即是
師云頭上倦陀

翠巖代二真道乞辨明 首山念代云分明甚似他又
云真道乞答話又云若不是實應泊合遭他毒三

同安察禪師問僧眼界無光如何得見云此三東轉同寺
西移師云夫子入太廟云恁麼則同安門下道絕人荒去

也師云橫抱嬰兒擬彰真箇一作真
圓信勤云這僧解接無根樹能挑海底燈大似登禹門

震鱗髮尾雖然浪擊之尋爭奈龍王不顧
白馬雷禪師僧問如何是白馬正眼師云面南看北斗

鹿門真禪師問韶國師近離甚處韶云谷隱夜宿龐居士
叢師云五眼之中那箇是正眼云又響鹿門師云這一片
田地干你甚事云話頭何在

圓悟勤云韶國師雖具正眼要且抱鎖擔枷鹿門雖與
這一片田地作主要且未有分付處在當時待伊道話

頭何在向伊道聞黎夜來宿不著所在待伊擬議麼春
便痿何故不風流處也風流

禾山毅禪師僧問如何是古佛心師云世界崩壞云為甚
麼世界崩壞師云寧我無身

牛頭精禪師僧問如何是古佛心師云東海浮漚云如何
領會師云秤鎚落井

明招謙禪師在昭慶蒲坊打蒲慶見師失却一目乃問失

幾時也師起身叉手云某甲不會慶云賴汝不會師云和尚作麼生會箇不會底慶休去

保寧言別昭應云這瞎漢終是難容

明招僧問承師有言我住明招頂興傳古佛心如何是明招頂師云換却眼云如何是古佛心師云汝還氣急麼

洞山初禪師僧問如何是善知識眼師云紙燃無油

五祖演云洞山老漢不是無只是太儉忽有人問四面如何是善知識眼只向伊道瞎何故且要相稱乃云紙燃無油也大奇不堪拈撥有誰知回身却憶來時路月下騰騰信脚歸

洞山僧問如何是古佛心師云巢知風穴知雨僧問如何是正法眼師云郭即鼻孔云還照也無師云鐵裏無絲見

僧問二界唯心萬法唯識識即不問如何是心師云泥裏蝦蟆雲重走旱地蛇師云底行僧問如何是正法眼師云六祖受喫和羅飯

地藏琛禪師問僧其處來云南方師云南方知識有何言白示徒云彼中道金屑雖貴眼裏著不得師云我道須論在你非裏

慧藏云且道地藏還免得這僧眼麼

天童若禪師僧問如何是應用無虧底眼師云恰如瞎一

升霞海頌云言擊磨瘧迥天真眼似眉之道始際昨夜東君浴布令黃鶯啼處綠楊春

報慈暎禪師僧問心眼相見時如何師云向你道甚麼云

如何是實見更師云緣髮不隔云與麼則見也師云清泉甚好去處

首山念禪師問如何是古佛心師云鎮州蒸薑重三斤

信問如何是古佛心師云二箇婆婆排班立僧問如何是衲僧眼師云此問猶不當云當後如何師云甚作麼僧問如何是和尚不欺人眼師云看看冬到來云究竟如何師云即便春風至

汾陽昭禪師僧問大悲千手眼如何是正眼師云瞎云恁麼則一條拄杖兩人舁師云三家村裏唱巴歌云恁麼則和尚同在裏頭師云謝汝慇懃

泐潭茂禪師僧問如何是古佛心師云終不道土木瓦礫是

香林遠禪師僧問如何是諸佛心師云清即始終清云如何領會師云莫受人瞞好僧問如何是衲僧正眼師云不分別云照用事如何師云行路人失脚

護國澄禪師僧問如何是本來心師云犀因說月紋生角象被雷驚花入牙

丹靈淳頌云三脚靈龜荒徑走一枝瑞草亂峰垂崑崙

舍三山先潤涼兔懷胎月未知

寶應昭禪師僧問如何是本來心師云頭大尾小云如何見得師云地深三尺餘

法眼益禪師問修山主云仰山四門光道應眼時全身耳

應耳時全身眼兒作麼生會修云眼裏底作耳裏底用耳

裏底作眼裏底用師云正是弄精魂修却問和尚如何師

三三一

再舉一編修方省

龍濟修山主僧問如何是普眼師云纖毫覷不見云為甚
麼顯不見師云為伊眼太大

延慶慧禪師僧問見色便見心燈籠是色那箇是心師云
汝不會古人意云如何是古人意師云燈籠是心

芭蕉嶽禪師謁風穴問作麼生是正法眼師云泥彈子
穴奇之後參芭蕉聞上堂有云兩口一無舌即是吾宗旨

師於言下豁然大悟
葉縣省禪師僧問如何是和尚心師云長三尺云如何通

信師云方圓二寸餘僧問如何是和尚四無量心師云放
火殺人云慈悲何在師云遇明眼人舉似

唐德遠禪師僧問如何是古德心師云石人擊缶木人聽

石門聰禪師僧問古人道見色便見心云露柱是色那箇是
心師云晝見夜見云未審意旨如何師云柳營節級橫
階上

水精院三禪師僧問見色便見心時如何師云南來底甚
麼處去云心境俱忘時如何師云坐地閉眼睡

石門徹禪師僧問大悲千手眼如何是正眼師云龍踏海
底月白雲紅處看

浮山遠禪師僧問大善知識言無語墮有出人眼如何是
出入眼師云黃河九院云恁麼則真善無識師云陝府鐵

牛
智河禪師僧問金剛眼中著得箇甚麼師云著得一把
沙云為甚麼如此師云非公境界

須要
三

院
曲之義人

响

雲居禪師僧問如何是本來心師云拈東籬補西壁
福昌善禪師僧問如何是正法眼師云夜觀星象云學人
不會意旨如何師云日裏看山

承天確禪師信問大衆祇看宗師眼未審宗師眼若何師
云月華鋪地面雲影落山頭云莫便是和尚照底言也無
師云天上甲金剛掌

夾山英禪師僧問如何是正法眼師云日出扶桑照大千
兜率寬禪師僧問平常心是道如何是平常心師云左出
右入云為甚麼人人不曉師云旋風千巾尚有不周云周
徧本然為甚麼不周師云日月雖明不照覆盤之水

廣法源禪師僧問如何是正法眼師云眉毛下云便與麼
會時如何師云瞳兒笑點頭

涼峰淵禪師僧問心生種種法生心滅種種法滅如何是
心師云古渡無人過孤舟終日橫云如何是種種法師云
汝適來問箇甚麼

玄沙文禪師僧問如何是正眼師云銀盤著火煮僧問頂
門無照心外有心如何是心外心師云問取路行人云如
何是心內心師云金剛提不起

三祖宗禪師僧問如何是善知識所為底心師云十字街
頭一片輓云如何是十字街頭一片輓師云不知云既不
知却恁地說師云無人踏著

太平恩禪師僧問如何是古佛心師云鷲啼處同云學
人不會師云牛王自傍山
投三顯禪師僧問如何是祖祖相傳底心師云三星這月

宮云便恁麼去時如何師云伯樂暫垂鞭驚駘誇八駿
定慧文禪師僧問如何是衲僧眼師云針劄不入云何故
如此師云向道衲僧眼

重鑿本禪師僧問將心覓心如何覓得師云波斯進一漢語
廣德義禪師僧問如何是古佛心師云千年曆日雖無用
犯著依前總滅門僧問如何是不睡眠底眼師云昨夜三
更鑿不開

佛足祥禪師僧問大悲千手眼如何是正眼師云暗裏施
文彩明中不見蹤云學人為甚麼不見師云杲日當空盲
人摸地

象田地禪師僧問大悲菩薩用許多手眼作甚麼師云富
貴千口少僧云畢竟作麼生是正眼師云從來共住不知

名

雪峰演禪師僧問如何是大善知識眼師云十字街頭片
瓦子

雪竇宗禪師僧問眼若不睡諸夢自除如何是不睡底眼
師云論劫不曾開云為甚麼論劫不曾開師云不顧一切
僧問如何是正法眼師云為甚

密庵傑禪師因應庵華禪師問如何是正法眼師答云破
沙盆

宋太宗帝因夢發善提心見帝

朱節推問義江死後心何住見門

閻王曰應千差是其麼心見帝

張無盡問大慧金剛眼睛見門

性空打行者云瞻汝本來眼觀門

凌行渡云趙州眼光規門

二祖大師立雪安心觀門

法眼云道眼不通觀門

卷身一 三二



大論云持戒皮禪膏
智慧骨微妙善髓

肢體

毘目僊人執善財手善才即時自見其身往十方刹微塵
數諸佛所乃至經不可說不可說微塵數劫時僊人放行
即見自身還在本處

達磨大師將返西天謂門人云時將至矣蓋各言所得子
時門人道副對云如我所見不執文字不離文字而為道
用師云汝得吾皮尼總持云我今所解如慶喜見阿闍佛
國一見更不再見師云汝得吾肉道育云四大本空五陰
非有而我見處無一法可得師云汝得吾骨最後慧可禮
拜後依位而立師云汝得吾髓於是傳法付衣

明安云且道更有一人出來得箇甚麼乃云不得不得
又云意況不到 翠巖芝云二祖被他當面塗糊莫道

髓皮也不曾摸著因甚却紹祖位 天衣懷云祖師與
麼說話無計較中翻成計較無塗轍中却成塗轍若教
伊踏著德山臨濟門下免見九年冷坐被人喚作壁觀
胡僧直饒如是也未免殃及兒孫 五祖演云當存若
見他三人恁麼道冬人好與三十棒只如白雲今日也
合契二十九棒留一棒與你諸人其間若有知痛疼者
不辜負先聖亦乃得見白雲其或未知堂裏莫謂與飯
更須爛嚼多見是渾圓吞却

佛國白頌云缺齒胡僧到大唐却將皮髓強分張九年
傍釋空歸去添得華人笑幾場 保寧勇云門前諸子
列成行冬逞英雄越霸王如何獨有無言者坐斷匡廬
不二當 正覺逸云少林真嗣擇全才 諸子紛紛點額

回衣法莫言容易得曾馮三拜作良媒 地藏思云嘗
門齒缺真堪笑面壁無言坐九年皮髓些些分俵了依
前懷懼返西天 朽木成云四維上下絕透欄涌出冰
壺印碧天無孔箇中藏六律一聲驚起釣魚船
南泉頌禪師示衆云王老師賣身去也還有人買麼時有
一僧出衆云某甲買師云不作貴不作賤你作麼生買僧
無語

趙州云明年與和尚作一領布衫 卧龍球代云和尚
屬某甲 澄源代云是何道理 雪竇顯云雖然作家
兼買過且不解輸機且道南泉還肯麼雪竇也酬箇價
言今南泉進且無門退亦無地不作貴不作賤作麼生
買別處客和尚不得 佛鑑勤云滄天宮價著地相酬

也須是當行家始得若非當行價例不等不成買賣
泉大道須二貴賤非同價不常箇中交道勿商量趙州
布衫應時用一任閑人說短長 野軒道二南泉鑪帚
大開張差寶希珍壓市行競買雖多酬價少至今天下
錯商量 海印信云賣身王老難為價貴感俱非不易
酬若使當時無退悔喚來分付與園頭 保寧言云王
老哀哉不惜身臨危將賣與何人若無令子輕酬價往
往一年空過春

南泉因入園見一僧乃拋瓦礫擲之其僧回首師乃翹一
足僧無語師便歸僧隨後歸語益云和尚適來擲瓦礫打
某甲豈不是警覺其由師云翹足又作麼生僧無對
後有問石霜云南泉翹足意作麼生霜舉手云還恁麼

也無

南泉因僧來參乃叉手而立師云太俗生僧合掌師云太
僧生僧無語

保寧勇心撒手倒行出去

佛眼遠頌云南北東西無不利令人深愛老南泉眉毛
厮繫如相鼻孔遼天不著穿

南泉云喚作如如早是變了也今時人須向異類中行始
得趙州在僧堂前見師便問異即不問如何是類師以手
托地州以脚踏地師倒地州走入延壽堂叫悔悔師令侍者
問悔甚麼州云悔更不與兩踏

保寧勇頌云張公移住向深村被賊潛身入後門竊子
一時偷去後更來敲枕敲兒孫 佛日才云父不慈子

不左作之在前悔之在後明眼衲僧難說其口

百丈海禪師因西堂問你向後作麼生師云於人師以三

卷舒兩邊意云更作麼生師以手點頭三

長髭曠禪師因僧侍立次師豎起拳云老僧只是這箇更

說甚麼燒鳴聲云不與麼有甚當處師云汝有懸河之辯

云辭亦不要師云太無厭生云祇為難遇知尚師云難遇

底事又作麼生僧却豎起拳頭師云汝承當取勿得造次

僧禮拜而退

佛鑑慧云此事如人射地無有不中之理只如箭未離

弦時還言中不中也無諸人要會麼豎起拳頭云智海

這箇也無更說甚麼燒鳴聲還有人為世目得麼大海若

知足百川應倒流

麻谷徹禪師有僧到方展坐具師垂下一足僧便出去師

下釋林云三月六日山立有這箇事二會身未有過在師與

一堂

是

圓悟勤云麻谷若無後段消被打破秦州 塗毒策云

賊頭有力收放自如領畧不全連腮便掌具道是討伊

是當神若透得過方是箇衲僧其或不然高祖波派隔

徒遺點額回

石樓禪師有僧入方丈以目顧視師而立師展兩手僧便

出去師云云子為復會了山去未會出去僧却回展兩手

識取自好

佛鑑勸云諸人者這僧將一條無絲之線穿石樓無鼻
之針石樓以無鼻之針度這僧無絲之線二人一姓一
來其有針線工夫其奈醜拙已露且道那管三三露醜拙
爰具眼者試驗看

鄧隱庵禪師一日推車次馬祖展脚在路上坐師二請師
收足祖云已展不縮師云已進不退乃推車過碾損馬祖
脚祖歸於法堂上執冬子云適來碾損老僧脚底出來師
便出於祖前引頸作受勢祖乃置斧

魯祖雲禪師僧問如何是不言言師云汝口在甚麼處云
無口師云將甚麼喫飯僧無對

洞山代云他不飢喫甚麼飯 雪竇顯云好劈脊便棒
這般漢開口了合不得合口了開不得 保寧勇代云

和尚不妨具眼 黃龍新云雪竇只知開口了合不得
合口了開不得殊不知魯祖被檐板漢勘破

元康禪師謁石樓樓纔見便收足坐師云得與麼威儀周
足樓云汝適來見箇甚麼師云無端被人領過樓云是與
麼始為真見師云苦哉賺却幾人來樓便起身師云見即
見已動即不動樓云盡力道不出定也師拊掌三下

南泉云天下人斷這兩箇漢是非不得若斷得與他同
參 佛鑑勸云諸人者南泉石樓元康如鼎三足闕一

不可一人會得如來禪一人會得祖師禪一人百無所
解百無所解者堪與祖佛為師會得如來禪者可與人
天為師會得祖師禪者自救不了若於此緇素分明亦
許伊同參 大滄智云諸人者元康石樓南泉三三三

識得失是非天下人斷不得若斷得也與花見夏一般
若斷不得一坑埋却

黃藥運禪師一日捏拳云天下老和尚總在這裏我若放
一線道從汝七縱八橫若不放過不消一捏僧便問放一
線道時如何師云七縱八橫又云不放過不消一捏時如
何師云普

僧問雲明如何是七縱八橫明云念老僧年老云如何
是會明云天光迴照云如何是天光迴照師云覺爾少
人知

六隋真經師曾問古人立雪斷臂為求何法師云古人不
斷臂僧云古人斷臂因甚麻道却不斷臂師云自是向雪
堆裏樂

馮山祐禪師問仰山即今事且置自古事作麼生仰义手
近前師云猶是即今事自古事作麼生仰义手退後師云
汝屈我我屈汝

佛鑑慧云仰山雖善進前退後發明古今其奈馮山向
餅餅重呷汁壓沙覓油雖然如是且道仰山义手意作
麼生若也知得行脚事辦其或未然老僧不曾言有真諸
人自是諸人辜負老僧 大馮智云仰山雖明今古要
且祇識得進前退後欲免馮山道汝屈我我屈汝但珍
重出去不妨俏措 塗毒策云諸方咸謂仰山進前退
後發明今古殊不知引得無限兒孫向草窠裏走馮云
汝屈我我屈汝雪上加霜若是塗毒則不然自今坐立
儼然豈不是發明今古還知麼目前無異路大道任縱

橫

為山見仰山從外入師以兩手握拳相交示之仰便作其人拜師云如是如是

佛鑑意云須知道解與師齊減師半德見過於師之堪傳授為山纔向針鋒上把定乾坤仰山便向蕪絲裏開張世界且因甚如此不見道功多業就未到湏成
六
為智云功已成名亦遂父父子子有巴有鼻千古之下如金擲地諸仁者還知麼為山搖頭仰山擺尾理合如斯因事長智周公制禮如是如是
塗毒策云恁麼說話豈不是奇特商量殊不知為山父子無繩自縛去死十分祇如為山以手握拳相交示之何似塗毒轉箇拄杖子自西邊拈過東邊且道是同是別箇裏不曾開活

眼知君泥水未嘗分

慈受深頌云佳人十八正嬌癡一曲堂前舞柘枝只有玉郎知雅態更無人道柳如眉

為山問雲巖承聞汝在藥山是不云是師云藥山大人相作麼生云涅槃後有師云如何是涅槃後有云水灑不著巖却問師未審百丈大人相如何師云巍巍堂堂煌煌煌煌聲前非聲色後非色蚊子上鐵牛無子下口處

應庵華云二尊宿說大人相何異指鹿為馬忽有人問歸宗虎丘大人相作麼生祇對他道九九百白半青半白

趙州論禪師僧問里目僂人執善財手見微塵佛時如何師遂執僧手云你見箇甚麼僧問如何是沙門行師云展

手不受脚

茂源禪師因平田來師纔起身田把住云開口即失閉口即受正恁麼時請和尚道師以手掩耳田放手云一步較易兩步較難師云有甚麼死急田云若非是師不免諸方檢點

佛鑑勤云諸人者二老宿恁麼道還免得人檢點也無平田臂長衫袖短茂源脚瘦草鞋寬智海恁麼說話還免得人檢點麼具眼底一任檢點取塗毒策云以一寸之機發千鈞之弩以一尋之楫轉萬斛之舟平田展翅高飛茂源整翻相待為甚麼如此相逢自有知音知何必清風動天地

仰山寂禪師一日因瀉山以兩手相交過各撥三下却

一指師亦以兩手相交過各撥三下却向曾前仰一手覆一手以目瞻視瀉山休去

仰山問石室佛之與道相去幾何室云道如展手佛似握益師乃辭石室室因送召云子莫一向去已後却來我邊云云石錫云要會麼如今歸堂去明日却上來

臨濟玄禪師因趙州遊方到院在後架洗脚次師便問如何是祖師西來意州云恰遇山僧洗脚師近前作聽勢州云會即便會啗啄作甚麼師便歸方丈州云三十年行脚今日錯為人下註脚

王泉璉云二老相見各有來由明暗互換強弱相持檢點將來大似賊偷賊物要識他用處麼一條拄杖兩人擎好三手中呈好手松源岳云坐雨半晴挑紅杏白

點者使行不勞啗啄那箇是他錯下註脚處試道看
鼓山珪頌云洗脚處更不安排側聆時非是啗啄趙州
臨濟二老人相見何曾下註脚 徑山杲云一人眼似
鼓棹一人頭如木杓兩箇老不識羞至今無處安著
雪峰存禪師僧問第二卷即不問如何是第一卷師云汝
勝置得麼

雪峰一日伸手向僧面前握拳云盡乾坤若九若聖若男
若女若僧若俗山河大地都總在這一握裏

佛手巖因禪師僧問如是對現色身師豎起一指
法眼別云還有也未

曹山本寂禪師因鏡清問清虛之理異音無身時如何師
云理即如是事作麼生師云謾曹山一人即得爭奈諸聖

眼何清云若無諸聖眼豈鑑得箇不恁麼師云官不容針
私通車馬

大滌詰云曹山雖善切瑳琢磨其奈鏡清王本無瑕要
會麼不經敏子終成廢器 圓悟勤云二老向泥水窟

裏披沙揀金驀然突出箇如意寶雖然只鑑得箇不恁
麼未鑑得箇恁麼若鑑得箇恁麼直饒千聖萬聖萬聖

千聖出頭來也須齊立中風且如何是鑑箇恁麼手提
殺佛金剛劍誰問文殊與普賢 老衲證云二尊宿發

明如來正法眼藏六似兩鏡相照中間絕像可謂捕不
成書不就且道曹山爲人落在甚處有時拋向衆人前
下眼大悲看不見

欽山還禪師見僧來伸起手云開即爲掌五指參差復握

拳云握即爲拳必無高下你道欽山還有商量分也無僧
豎起拳師云汝只是箇無開合漢云未審和尚如何接人
師云我若接人共你相似云特來參和尚也須吐露箇消
息師云汝若特來我須吐露云便請師便打其僧無語師
云守株待兔枉用心神

雪竇顯云我即不然豎起拳云握即爲拳有高有下復
開云開即成掌無掌無偏且道放開爲人好把定爲人
好開也造車握也合轆若謂閉門造車出門合轆我也
知你向鬼窟裏作活計 佛鑑勸云堂亦是手握亦是
手商量箇甚麼乃舉一足云只如展亦是脚收亦是脚
疾走亦是脚緩行亦是脚無高無下不許商量且道與
欽山是同是別良久云他日莫道欽山智海手脚爲人

好

欽山因僧來參師翹起一足云這一足特爲闍黎僧亦翹
一足師云不是欽山也大難僧遠禪牀一而便出師云不
道無人知此事只是少有與麼僧云可謂好心不得好報
師低聲召云闍黎闍黎僧云欽山名遠欽山名遠師云矮
子着戲隨人上下

佛鑑勸云欽山翹足輟已惠人這僧見機恭而無禮人
必自悔然後人悔之若不得流水還應過別山

韶山普禪師問白頭因云莫是多口白頭因麼云不敢師
云有多少口云遍身是師云大小二事向甚麼處有云韶
山口裏師云有韶山口即且從無韶山口向甚麼處有因
無語師便打

雲陽代云這話墮阿師放你三十棒又云將謂是獅子
兒又云韶山今日是解冰消 雪竇顯二公來矣善韶

山
龍牙道禪師僧問十二時中如何用力師云如無手人行
拳

雪竇齊云好言語且作麼生會嘗問一僧他道無手底
人何更行得拳也及問伊佛法伊便休去將知路布說
得無用處不如子細體取古人意好 石門聰云道即
太殺道只道得一半僧問和尚作麼生師云如無舌人
欲唱歌始得 大瀉秀云是即是又教人入陰界中作
活計十二時中如何用力如有手人行拳又且如何
南院顯禪師因風穴來參初見不禮拜便問入門須辨主

端的請師分師以左手拊膝穴便喝師以右手拊膝穴又
喝師舉左手云這箇即從闍黎又舉右手云這箇又作麼
生穴云瞎師擬拄杖次穴云作甚麼奪拄杖打這老和
尚莫言不道師云二十一年住持今日被黃面浙子羅織穴
云和尚大似持鉢不得詐道不飢師云上座莫曾到此問
麼穴云是何言教師云好相借問穴云也不得放過師云
且坐喫茶

松源岳云喫也甚奇恠一箇生茗第一箇破葢箕在
塔頭也用得著未免鈍置門風若據正令而行總欠一
著在

雲門偃禪師問僧近離甚處云西禪師云西禪有何言句
僧云兩三日前與一羣僧云某甲語在師却受吾手信無語

師又打

雲雪言云虎頭虎尾一時收凜凜威風四日州郡聞不
知何不險師云放過一著 地藏恩云當機不用宛同
疾遠公贏得雲門脚忙手亂 本覺一二云這棒今雲門與
這僧就乃不知杓柄被別人奪却

雲門僧問師云雙趺當表何事師云言云夫審師意如何
師云緊峭草鞋

雲門因信齋歸師問齋主有甚麼供養僧堅定答師云我
這裏問你即怎麼僧堂前有人問你作麼生道云一炊臨
時師云學語之流

長唐之後禪師僧語亦有得不疑去師展兩手

授子青頰云展手之時萬仞摧枯河無水月無來若爰

吳問龐居士云一黃梅誰共陪

與化獎禪師因同光帝宣賜馬一疋師對御乘騎乃摸折
脚醫院令院主作兩箇拐子拄却乃送廊下行問僧云汝
等還識老僧麼僧云和尚垂得不識師云高脚法師說得
行不得

保寧云云來云和尚著甚死急

金華觀禪師謁雪峰峰召云近前來師近前峰以脚一踏
師即真契在後示眾云自從一喚雪峰踏直至如今眼不
開不知是何境界

魏府大醫禮師僧問如何是本來身師云頭枕舊山脚踏
北巖

保寧身頰云主山之後案山前下是光上上是天身手

太長衫袴短醉狂贏得樂豐年

鏡清心福師僧問盡令提綱為甚麼不塞時人口師云自
還得

雲巖代云老兄還知此州米價麼 首山念代云還言
失麼又云須知老兄又云爭知今日

金峰志禪師僧問長身無知如土木瓦石此意如何師下
繩於種僧云朵僧言痛作聲師云今日捉著箇無知漢僧
作禮而去師召云聞聲僧回首師云若到堂中不得塞著
云何故師云大有人笑金峰老婆心

圓悟勤云這僧引王金峰入草尋人雖然未後懸
勳其本盡蛇安天云是山僧待伊問是身無知如土木
瓦石此意如何則當習毒與一拳聽他自知落處 應

庵華云這僧雖深入虎穴要且未具獅子爪牙金峰雖
有獅子爪牙爭奈有頭無尾汝等諸人還知報恩著力
處麼一點水墨兩處成龍

同安察禪師問僧甚處來云五臺來師云還見文殊麼僧
展兩手師云展手頗多文殊誰覩云氣急殺人師云不覩
雲中鴈焉知沙塞寒云遠趨方丈乞師一言師云孫臏門
下待話鑽龜云各不浪施師云契茶去僧珍重師云雖得
一場榮別却一雙足

圓悟勤云一出沒一往一來諸人還透得麼若透得
更不用周由者也若透未得山僧不惜眉毛為諸人剃
去也前段同安逼這僧直得盛水不泄後段言僧逗同
安直得不留消滴若透得許你會衲僧巴鼻 佛燈珣

云一人向急水灘頭拋釣線一人向漫流古岸擲絲綸
急緩雖然不同趣味元無兩樣因甚麼同安道雖得一
場榮利却一雙足只為名不浪施透網底試畧為英鑑
德山家禪師示眾云俱胝和尚九有扣問只豎一指寒則
普天普地寒熱則普天普地熱

雪竇顯於普地寒處云甚麼處見俱胝老於普地熱處
云且莫錯認定盤星復云森羅萬象徹下孤危大地山
河通上嶮絕甚麼處得一指頭禪來 徑山杲云雪竇
可謂貴人多忘 地藏恩云與麼說話可殺鈍置俱胝

老好與三十拄杖

明招謙禪師嘗參勝光和尚纒跨門光始垂足師云伎倆
已足拂袖便下

明招訪保寧中路相逢師云兄是道伴中人遂以手點鼻
云這箇礙塞我不可徹與我拈却少時得麻寧云和尚有
來多少時也師云噫洎賺我踏破一雙草鞋便回國泰代
云非但某甲諸佛亦不奈何師云因甚麼以已方人
文殊禪師僧問古人垂一足意旨如何師云坐久成勞
投子青頌云馳書纔去返忽忽一足垂酬繼後蹤坐久
成勞誰委悉紅爐點雪自相通

首山念禪師僧問虛空以何為體師云老僧在你脚底云
和尚為甚麼在學人脚底師云知你是瞎漢云祇如和尚
道老僧在你脚底意旨如何師云橫身不怕侵泥水識者
方知大作家云祇如和尚道你是箇瞎漢又作麼生師云
將寶奉君君不識却令瞽叟墮生盲

龍濟修山主同法眼悟空三人到地藏阻雪附爐次藏問
山河大地與上座自己是同是別師云別藏豎起兩指師
云同藏亦豎起兩指便起去師因措遂投誠入室

禾山方云這箇漢向火也不了更只管說同說別直饒
見得歷歷分明正在途中向禾山門下直須喫棒何故
十語九中不如一默

白雲端頌云地藏當鋒豎指頭諸老至今猶未瞥天迴
地轉却等閑千古萬古兩條鐵 保寧勇云商量同別
有多般潦倒何曾鼓舌端今古不能提得去一雙靈劍
倚天寒 佛印元云山河大地兼同別口中未有娘生
舌多知禪客強分踈甕裏何曾走却鼈

葉縣省禪師因與僧俗三五人行次師拄一條白棒一僧

問云只是少一箇皮五指師遂豎起展五指問云會麼其
僧俗云不會師云五輪指上放毫光

葉縣僧問自己面目終日不見時如何師云拈却牙齒著
云見面後如何師云大衆盡斂眉

羅漢琛禪師因保福有僧來師問彼中如何示徒僧云和
尚一日示衆云塞却你眼教你顯不見塞却你耳教你聽
不聞坐却你意根教你分別不得師云我問你我不塞你
眼你見箇甚麼不塞你耳你聞箇甚麼不坐你意根你作
麼生分別其僧於言下有省

瑞峰禪師謂明真大師因僧問如何具真象之曰獨露
身真舉一指其僧不薦師於此冥契玄旨乃入室白二適
來那僧問話志端今有省處真云汝見甚麼道理師云舉

一指云這箇是甚麼直甚然之

承天確禪師僧問地藏堅兩指意曰如何師云拍三山門
日洗脚上船時

法燈欽禪師問僧禪客相逢祇彈指此心能有幾人知作
麼生會僧彈指一下師云恁麼會又爭得云未審知尚尊
意如何師彈指一下

承天簡云將謂眾生苦更有苦眾生

黃龍南遷師室中垂問學徒云我手何似佛手我脚何似
驢脚人人有箇生緣處那箇是上座生緣處少有與其機
者天下豈為黃龍三關師復有偈示眾云生緣斷處豈驢
脚驢脚伸時佛手開為報五湖參學者三關一一透將來
吳古佛頌云我手佛手兼盛禪人直下為取不動干戈

道出當處超佛超祖我脚驢脚並行步步踏著無生會
得靈收日卷方知此道縱橫生緣有語人言識水母何
曾離得蝦但見日頭更畔上誰能更喫過州茶 照覺
總云佛手纔開口鑑明森羅無得隱鐵形朝朝日自東
邊出多少行人問丙丁驢脚伸時動地輪大洋海底播
紅蓮唯餘庭際青青相一度年來一度春盡問生緣何
處來到家禪客經纖埃毘盧剎海周遊以休說壞媚與
一五臺 佛眼遠云佛手驢脚生緣黃龍元無此言且饒
恁麼知之我懷亦未相許奉表四海禪人第一不得錯
舉

廣善禪師到首山山問甚麼來云漢上山豈起峯云漢
上還有這箇麼師云這箇只甚麼橫鳴翠山云聽師乃拍

一拍便出去

五祖演禪師每見僧來師乃展三問云何故喚作手

佛眼遠頌云何故喚作三衲僧難開口提議自難預可

憐大紫斗

黃龍心禪師在空中舉拳示僧云喚作拳頭則觸不喚作

拳頭則背未審喚作甚麼

雪竇一頌云背觸人難會憑君子細看片雲纔出洞遮

却面前山 道場珙云赤體更無藏隱處黃龍未語先

分付若將見解上門來他家自有通霄路

道場辯禪師謂佛眼遠禪師遠問從上祖師方冊因緣許

你會得忽舉拳云這箇因何喚作拳師擬祇對遠築其口

云不得作道理師於是頓去知見迷作禮遠云這鈍漢師

笑而趨出

別峰印禪師因圓悟問從上諸聖以何接人師豎起拳悟

云此是老僧用底作麼生是從上諸聖用底師以拳揮之

悟亦舉拳相交大笑而止

大覺璉禪師一日舉拳示眾云握拳則五嶽倒卓展手則

五指參差有時把定佛祖關有時托開千聖宅今日這裏

相呈且道作何使用拍繩牀云向下文長付在來日

報本利禪師信問如何是大人相師云披毛戴角云惠入

不會師云紫磨金容

蜀賓國王乞獅子尊者頭現帝王門

殃崛摩羅用千人指作冠見神吳門

安國云先師道真實人體見殿堂

張轉運剃頭作長老見碑 玄沙築破脚指見碑
 安國因僧堅拳見碑 石磬搜西堂魚見碑
 趙州見一庵主堅拳見庵 俱胝堅指見庵
 雪峰剃庵主頭見庵 二祖斷臂見庵
 俱胝斷童子指見庵 丹霞剃草剃頭見庵
 世尊示雙趺見庵 明上座本來面目見庵
 鼓山問上座鼻孔見庵 童子開手見庵
 龍牙長鎖脚取師頭見庵 巖頭引頸見庵
 趙王問趙州有終管齒見庵

真像

六祖大師因蜀僧方辯來謁云善提塑師正色云誠重看
 辯不領旨乃塑師真可高七寸曲盡其妙師觀之云汝善
 塑性不善佛性酬以衣物僧禮謝而去

南泉願禪師一日訪百丈丈問甚處來師云江西來丈云
 還將得馬大師真來麼師云只這是丈云背後底師拂
 袖便出或作師

長慶稜云大似不知 保福展云幾不到和尚此間

雲居錫云此二尊宿盡扶背後只如南泉你去為當扶

面前扶背後 五祖戒云和尚於此路熟 佛鑑戴云

一雙孤鷹博地高飛兩隻鴛鴦池邊獨立 塗善策云

膠漆易辨乳酪難分雖然難弟難兄其奈各行活路只

如百丈道背後底響南泉拂袖便出又作麼生不因同
渡風波惡爭見船師手段高

佛眼遠頌云八面當風祇這是拂袖之談動天地堪愛
賣身王老師不作賤兮不作貴

槃山積禪師將頌世告衆云有人邈得吾真不衆或將所
傳頂相呈似皆不契時普化云某甲邈得師云何不呈似
老僧化遂打筋斗而出師云這漢向後掣風狂去在

保福展云普化掣顛不少槃山醜拙更多 雲居云普
化只知邈真不覺露醜

佛眼遠頌云師真醜拙不堪呈用盡身心笑殺人波中
莫覓絲頭意白鼻崑崙賀新正

北蘭讓禪師因湖塘亮長老問伏承師兄畫得先師真暫

借瞻禮師以兩手撥開曾示之亮便禮拜師云莫禮莫禮
亮云師兄錯也某甲不禮師兄師云汝禮先師真亮云因
甚麼教某甲莫禮師云何曾錯

大滌山祐禪師僧問如何是百丈真師下禪牀叉手又問
如何是和尙真師上禪牀坐

佛鑑勳云古人起摸畫樣可謂頭上尾正爭奈凡所有
相皆是虛妄若見諸相非相即見如來智海即不然如
何是百丈真隨緣起感靡不周如何是和尙真而常處
此菩提座 大滌智云為山受用純熟法法自然叢林
之中作大規模左右逢源還會麼古人不離這箇大圓
即不然如何是百丈真拈起拂子如何是和尙真放下
拂子要知麼不離當處常湛然覓即知吾不可見 塗

盡策云佛鑑美即美矣爭奈將衆人行貨作自己用殊不知為山被這僧一問直得分踈不下紙如為山下禪林又作麼生鴛鴦綉出從君看不把金針度與人趙州恣禪師因信寫師真呈師師云且道似我亦似我若似老僧即打殺我若不似即燒却僧無異

玄覺云云留取供養

投子同禪師僧問信為甚麼選誌公真不得師云只為看他面孔云不看他面孔時如何師云是甚麼

洞山价禪師問雲巖云和尚百年後忽有人問還選得師真如何祇對巖云但向伊道只這是師良久巖云价聞茶承當這箇事大須審細師無語巖便打後因信書云云巖真有信問先師道只這是真便是不是師云是信云意云如何

師云當時幾錯會先師語云未審先師還知有也無師云若不知有爭解恁麼道若知有爭肯恁麼道

長惠後云既知有為甚恁麼道又二養子方知父意

大重覺頌云五解恁麼道五更鷄唱家林曉草青恁麼道千年鶴與雲松老寶鑑澄明驗正偏王機轉側看兼到門風大振兮規步綿綿父子變通兮響光浩浩

雪峰存禪師僧問僧為甚選誌公真不得師云筆頭不到

欽山遠禪師有僧寫師真呈師師問選似我也無僧云對

師自代云衆僧看取

本童禪師因門僧寫師真呈師師云此若是我更呈阿誰云豈可分外師云若不分外汝却收取這箇僧便後收師

打云正是分外強為二若怎麼即須呈於師師云收取

取
九峰度禪師僧問一筆丹青為甚麼說公真不得師云
僧繇却許說公云為甚麼却許說公師云烏龜背言須彌

柱
投子青頌云荆山採玉卞人尋至寶無瑕絕見因鐵牛
帶子踏滄海撞月石龜長羽鱗

文殊禪師僧問僧繇為甚麼說公真不得師云非但僧
繇說公亦說不得云說公為甚麼說不得師云彩繪不將
來云和尚還說得也無師云我亦說不得云和尚為甚麼
說不得師云渠不以苟我顏色教我作麼生說
丹霞溥頌云身光熾盛相巍巍妙筆如何彩繪伊休問

僧繇吳道子說公他自不能知

保福展禪師因墨洞山真讚云徒觀紙與墨不是山中人
僧問如何是山中人師云汝試貌掠看云若不點兒幾成
貌掠師云汝是點兒僧云和尚是甚麼心行師云來言不
豐

華慈與禪師嘗著真讚云日出連山月圓當戶不是無身
不欲全露

雲峰璿云大衆龍牙山裏無眼毒龍從前行脚不曾性
儂道得一句及乎住院盡力只道得一半山僧今日為
混沌畫眉去也良久云放憨作麼

地藏琛禪師作玄沙忌請報恩藥石恩見靈位無真遂問
還有真麼師以手揖云看恩云元來無真師云大似不相

識

翠巖參禪師僧問僧繇為甚麼寫誌公真不得師云作麼

注折合

重居錫禪師因廖天使入院見供養法眼和尚真乃問云
真前是甚麼果子師云假果子使云既是假果子為甚麼
將供養真師云也要天使識假

雪竇顯禪師一日為首座寫真師云既是首座為甚麼却
有兩箇座云爭之不足師云你問我我與你道首座擬問
師云雪竇真下

楊岐會禪師因慈明遷化僧馳書至師集眾掛真雲哀師
直至真前提起坐具云大眾會麼遂指真云我昔日行脚
時被這老和尚將一百二十斤擔子放在身上如今且得

天下太平都顧視大眾云會麼眾無語師擬曾云嗚呼哀
哉伏惟尚享

法昌遇禪師因興化到北禪師乃問評化指塔前松樹云
這箇是甚人我師云龍牙化云何似趙州柏樹師云尊宿
眼在甚麼處化云開市裏虎化復到真堂前云這箇是甚
人真師云龍牙化云既是龍牙真為甚麼却在北禪堂裏
師云一彩兩賽化云真在這裏龍牙在甚麼處師擬議化
便打師一掌云莫道不解儼人師云乞兒見小利化又打
師乃笑

岳林資禪師遊山園禮馬祖大師真忽悟乃云今年五十
五遊山禮馬祖低頭三拜勤目前無所觀從此自號水牯
牛遍往諸方索闢戰辨知識

佛印元禪師因李伯時為師寫真師云必為我作笑狀寫
畢師乃自讚云李公天上石麒麟傳得墨墨道者真不為
拈花明大事等閑開口笑何人泥牛護向風前巖柱不無
端雪裏春對現堂堂俱不識太平時代自由身後國聽空
語有會其心者斬渠一笑而化其令人盡笑狀而讚之其
苟然也

二歲禪師臨終自塑肖像觀隱

禪林類聚卷第十

佛印元禪師

110X
7
19